

پازار ایرتسی -- فی ۱۴ ربیع الاول سنه ۳۲۷ وفی ۲۳ مارت سنه ۳۲۵

جمعیت علمیہ اسلامیہ نك ناشر افکاریدر

صاحب امتیاز :	سر محرر :	مدیر مسئول :
فاتح مجیز درسعاملرندن	فاتح مجیز درسعاملرندن	معمار زاده
شہری احمد	مصطفی صبری	محمد علی

مندرجات

اجتہاد م . ح	دیانتک مدنیتہ لزوی مصطفی تقی
دیانتدن تجرید . مدنیتندہ تباعددر ابن الامین احمدتوفیقی	قوسودہ واقع فیروز بک جمعیتی رجب
لامصیبة اعظم من الجهل ابن الامین شہود کمال	ادبیات
دین اسلامده هدف مناقشہ اولان مسائلدن مصطفی صبری	منظومہ تاریخیہ حافظ عثمان الموصلی
استبداد . دین حسین حازم	مفرقہ
سیاست شرعیہ ابن حازم . فرید	

نسخہ سی ۱ پارہ در

آبونہ اجرتی (ہوستہ اجرتیہ برابر)

عالمک اجنبیہ ایچون :	استانبول وولایات ایچون :
۱۲,۶۰ فرائق	برسنہ لک ۶۰ غروش
» ۶,۳۰	الٹی آبنی ۳۰ »

درج ایدلمیان اوراق اعادہ اولنماز

قارئلر مژہ :

اکثر مقالہ ایات کریمہ واحادیث نبویہ درج ایدلمش بولندی بی نظر اعتبارہ آلنہرق رعایتسز لکده بولنلمامسی
رجا اولنور .

درسمادت

بکر افندی مطبعہ سی — وزیرخان

سیاست شرعیہ

۱۹

سیغورطہ — تعریفی — اقسامی — ہدایت تشکیلی —
اجرتی . متقابل سیغورطہ لر — سیغورطہ عقود شرعیہ دن
برہنہ داخلیدر ؟ سیغورطہ بہ برنوع عقد مضاربہ ذیلیہ بیلوری ؟

انسان عائلہ سنک سعادت حالی ایچون انواع محن
ومشاق ایچندہ مبارزہ حیاتہ بولنور . بو طبعیدر .
ذاتاً مدار انتحاش اولہ حق وسائلہ اشبت ہر فرد ایچون
لازمدر . واقما بیوک کوجک ہرکس حتی بتون شئونات
عالم برکون اولوبدہ منقلب فنا اولہ جق ایسہدہ بوجہتی
دوشونوبدہ اعتبار عزات ایلہ لباس عطائہ بورونمک
دیانت جالبہ اسلامیہ جہ تجویز ایلماز . ایشتہ انسانلر
مساعی مشروعلری سایہ سندنہ ارزاق مقدرہ لرینی
تدارک ودرجہ کسبلرینہ کورہدہ اموال وامالکہ صاحب
اولورلر . بشریتک حیاتہ محبتی جیلی اولدینی کبی اموال
وامالاکندہ محبتی واردن . شو قدرکہ بو محبت دین و دیانتہ
فاق اولہ ماز . پک جوق مستبدلری ، تعدادی غرقابل
قارونلری بلیرزکہ ، آلایش دیسویہ بہ فریشتہ اولہرق
حق نہدر حقوق نہدر طانیہرق ادخار اموال ایلدکری
حالدہ نتیجہ سندنہ ذلیل وخسران قالمشلدرد . حتی بعضیلری
کشکول بدست اولہرق کیسہ حیتہ بیلہ آووج آچمشلدرد .
آنک ایچون مسائی بشریہ بر طریق مشروع تعقیب
ایتملدزکہ او سایہدہ الدہ ایدیلہجک اموال دن بر حصہ
فیض التماع ایتمسون . مادامکہ بو مختخانہ عالمہ ہرشی
فانیدر . اعمال خیریہ بہ نصب انظار دقت ایدرک ابدال
مساعیدہ بولمایدزکہ ابقای نیک نام ایدلش اولسون .

مثلا مکتب . وخستہ خانہ وامثالی مؤسسات خیریہ
وجودہ کبیرمک ، وجوہ برہ وصیت کبی دیساده ذکر
جبلہ آخرتہ اجر جزیلہ ناثلیت حیات بشریہ نک نتیجہ
مسعودیتدر . بو ایسہ ثروتہ اولور . ہی دست اولمق

بونلرہ مانعدر . شو قدرکہ فقرای صابرینکدہ مقامانی
عالیدر .

بناء علیہ بیکارجہ مشقتک دست بی امانی آلتندہ
قرانیلہرق تأسیس ایدیلان بر آشیانہ بعضاً اولورکہ
بر دقیقہدہ محو اولور . مثلاً بر حریق خانما نسوز بر
دقیقہ ایچندہ دکل بر آشیانہ بی قوجہ بر معمورہ بی
شورہ زارہ چویرر . پک جوق عائلہ لری سواقاقلر
اورتہ سندنہ الی بوکرنده بر اقرار . پک بیوک انتخاب ثروتی
بیلہ محتاج اعانہ قیلاز . ایشتہ حریق بو قدر مدہش
بر آفت بودر جہ بیوک بر فلاکتدر . طبعی الوقوع اولان
شوحالارہ قارشو ہیئت اجتماعیہ جہ تأمین املاک مسئلہ سی
نظر اعتنائہ آلمش وبونک نتیجہ سی اولہرق سیغورطہ
قضیہ سی مبدانہ جقمشدر . ہیئت اجتماعیہ جہ بوندہ
منافع کوریلہرک دائرہ سی حیاتہ ، حیواناتہ قدر توسیع
ایدلش وبودورتہ حیات سیغورطہ سی حیوانات سیغور
طہ سی ناملیلہ بر جوق شعبہ لر تشکیل ایلمشدر . کرچہ
عقلاً سیغورطہ نک منافعی درکار ایسہدہ بو معاملہ ؛
منفعت شخصہ سی منافع عمومیہ نک خللدار اولمسندنہ
آرایان ودهشتی برصورتہ حرص منفعتجویانہ بہ مغلوب
اولان ارباب ذنات ایچون عادتا اکتساب ثروت کبی
تلقی ایلمشدر . بوسیلہ یوز لیرا دکرندہ بولنان بر مالی
اشای مستعار ایلہ بیک لیرا قیمتدہ کوستردرک سیغورطہ
قومانیہ سنک ضمانی تحتہ وضع ایدوبدہ بالاخرہ
سیغورطہ بدلدن استفاده مقصدیلہ قونداق وضعیلہ خانہ بی
احراق وبویوزدن بر جوق عائلہرک برہنایتتہ سبیت
ویرمک ہر آن کورلمکددر . واقما قانون جزانک
۱۶۳ نجی مادہ سندنہ تلف نفس وقوع بولمادی تقدیردہ
مؤبدکورک ، تلف نفسک وقوی تقدیردہ اعدام
جزاسی ویرمک کبی واضع قانون ؛ ازہر جہت شایستہ
ملعت اولان بو قیل ادانی تریبہدن امتناع ایتمش
ایسہدہ اکثریا فصل احراقک بوبلہ بر مقصد —

بونکله قالمیه جنم. قارئلرکم وبالخاصه محترم مبعوثلر مزدن بر چوق اخوان کرامک کوستردیکی آثار توجه واصراره منی، دها حقوق جزائییه دائر یازیه جنم کی توفیقات الهیهیه مستنداً باشلادیغم بومقاله یی حقوق دول و حقوق اداره، مالیه، تجارت بریه وسائر کبی بخشارده تشمیل ایتدیردرك بونلری احکام شرعیه مزله اولچه حکم. تاکه دنیانک تضییقات دینیه، انواع اعتسافات آلتنده ازلدیکی برزمانده ظهور ایدرك بتون جمعیات بشریه حقنده وضع ایتدیکی قواعد حقانیتله اوروپاسنی، آمریقاسنی دکل، بتون جهان انسانیتی ازاله سی غیر قابل امتتانه مدیون ایدن شریعت اسلامیه نك احکام عادلہ سی سبکمز، سطحی بین نظرلرنده دخی تعین وجهت حقوقیه نك شرقده کی فیوضات لامعه سی غربه یلتانلر نژدنده دخی تظاهر ایتسون.

• •

زده سیغورطه آجنته سی ابتدا ساقزده صوکره درسما دنده تشکل ایتش فقط مرکزلی ممالک اجنبیه ده بولنسی ونظامات داخلیه لری دولتجه غیر معلوم اولسی حسابله بونوع حصه لی قوماندیت و آنونیم شرکتلری علیه ده اقامه دعوی مسئله سی مشکل برنک آلمشدر. چونکه اصل اقامتگاهلری ممالک اجنبیه ده اولسی حسابله تحدث ایدیه نك منازعاتکده اوراده فصل ورؤیتی ضروری کورلمکله برچوق اضاعه حقوقی بادی اوله گلش وبوحاله نهایت ویرانک اوزره ۳۰۳ تاریخلرنده برنظامنامه نشر ایدیلهرک بعض تقیدات وضعیه محاذیر مسروده نك رفعنه توسل اولمشدر.

سیغورطه اساساً ایتالیانجه برکله اولوب فرانسلر assurance دیرلرکه، بو برآدمک مالنی مبلغ معین مقابلنده قومانیانک ضمانی آلتنه وضع ایتسیدر. احکام قانونیه جه سیغورطه اجرایی ومتقابل اولق اوزره ایکییه انقسام ایدر. برکیمسه معین برشی بدل معلوم مقابلنده

دناتکارییه منعطف اولدیغنک اثباتی متعذر قالمقده وبوصورتله صرف سیغورطه یوزندن مادی برطاقم فغالر ظهور ایتکده بولندیغی انکار اولنه بیلورمی؟ بعضاًده ساخته برطاقم قومانیالر طرفندن افراد ملت طولاندریلهرق متضرر بولنقده در. مع مافیه سیغورطه نك هیئت اجتماعیهیه تأمین ایلدیکی منفعت مضرتیه تقابل ایتدیریله نك اولورسه خسارات مادیه ظن ایتمه مکه منفعتنک مادوننده بولنسون؟ بوسبیه بناء عثمانلی جزا قانوننک مذکور ماده سننده تعیین ایدیلان جزا تکشیر ایدلمه ملی آغیر کورلمه ملیدر. چونکه بز عقل و وجدانی میزان اتخاذ ایدیه نك اولور ایتنه کورپرزه برشخصک ولوکه کندی متصرف بولندیغی خانه سی احراق ایتسنده قانونک شدت کوسترمی حریقک مبانی سائرده دخی سرائتیه آخره ایراث مضرت ایتمی وبویوزدن برچوق عائله لرك پریشانیسنه سبیت ویرمی حکمتیه مستند اولدیغنده شبهه یوقدر. بناء علیه بوکی ایقاع جنایتیه مستعد سفهای منع ایچون متخذ شو ترهیات قانونیه چوق دکلدر. احراق ایدیلان خانه دروننده تلف نفسک وقوعی تقدیرنده اعدام ویرگسنده «عهد» نه دیمک اولدیغی آکلامه مش اولدیغی دفاتله بالمتاسبه سویلدیکم واضع قانونک بوماددسنده کی «عهداً» قیدی تلف نفسه ده تشمیل اولنور.

فقط بزم سیاست شرعیه مزده احراق بالنار ذاتاً قصده دالدر. بوسبیه شرعده دخی قصاص لازم کلور. [۱]

بوماده قانونیه ده محتاج تنقید کوردیکم بعض نقاطی مناللات سائریه ترک ایله اصل مقاله مزه زمین اتخاذ ایلدیکمز سیغورطه نك عقود شرعیه دن برینه داخل ارلوب اوله میه جغنی تدقیق وتجارت بحریه قانوننک بعض موادیه شریعتیزی مقایسه ایتک ایتسورم. یالکز

[۱] وان احرقه بالنار فعلیه القصاص الخ جوهره

لازم گز . زیرا متصرفسک یدی اومالدن زائل اولماش وکیف مایشاء نصرف ایتمشدر . بو صورتده سیغورطه قومپانیاسنک کفالتی شرعاً ضمان کفالت دکلدر .

تعدی و اتلاف طریقله اولان ضمانه کانهجه ؛ « من اعتدی علیکم فاعتدوا علیه بمثل ما اعتدی علیکم » آیت کریمه سنده کی مثلدن مراد ، مثلایده صوره و معناً و قیمایده یالکز معنا مثلدن . بو تضمینات ایسه متعدی ایله متلفه لازمکاور . مثلاً مال مغضوب ، غاصب یدنده هلاک اولورسه قیمایدن ایسه قیمتی مثلبایدن ایسه مثلی مغضوب منه و یرمک لازمدر . حالوکه سیغورطه قومپانیاسی نه غاصبدر نه متلفدر . مال متلفده قومپانیانک جزئی بردخی اوفاق بر تعرضی بیله یوقدر . بلکه مال یاصاحبنک تعدیسی و یاخود نتیجه قضا اوله رق تلف اولمشدر . اگر سیغورطه لی اولان برمال قصداً احراق ایدلش و یاخود برخصومه منی آخر بر شخص طرفندن احراق اولوق کبی تعدی نتیجه سی ایسه ضمان متعدیه متلفه لازمکاور . زیرا سیغورطه یه قونیان مال ، صاحبنک یدنده اولغله قومپانیانک الله کچمهش برمال ایچون قومپانییه ضمان تحمیل ایدیله مز . قومپا . نیانک التزام عقدی ، لازم اولیان برشی درعهده ایتمک قیلنددر . وجوب ضمانی مقتضی سبب مفقوددر . کرچه عقد وارسده عقد واقع وجوب ضایده سبب اولغله صالح دکلدر . بعض کیمهلر سیغورطه یی عقد مضاربیه تشبیه ایتملر ایسده بوده احکام فقهیه عدم وقوف سببه سندن باشقه بر شیئه حمل اولنه ماز . چونکه عقد مضاربیه مال ، رب المال جانندن و عمل مضاربیدن اولوب ربحه بینلرنده اتخا ایتدکلری شرطه کورده در . بو صورتده صاحب مالک قومپانیایه بر موجب مقاوله و بریدیکی باره نی سرمایه و حریق و قوعنسه قومپانیانک اطفای حریق و تخلص مال خصوصنده کی

سیغورطه ایتدیرر و برضرر و قوعنده قومپانیا تضمینی درعهده ایدرسه بوکا « اجرتی سیغورطه » دینلورکه تجارت بحریه قانوننده موضوع بحث اولان سیغورطه بودر . اما ایکی کیمسه نک منفرداً تحت تصرفلرنده بولنان امواله ضرر ترتب ایتدیکنده استفاده لری نسبتنده ضرر واقفک تضمینی تعهد ایدرلرسه بوکا حقوقون « متقابل سیغورطه » دیرلر . دیمک اولورکه اولکی صورتده عاقیدنن بری سیغورطه یی دیگر سیغورطه ایتدیرن و متقابل سیغورطه ده ، عاقدین هم سیغورطه یی هم سیغورطه ایتدیرندر .

بناءً علیه بر آدم بر مبلغ معین مقابلنده مالی سیغورطه یه وضع ایدوده مال مذکور حریق دندن له به معروض قالب برکته رماد حالی الدینی تقدیرده عاقدین بیننده مقرر مبلغک اعطاسی لازمکیرمی ؟ ضمان مقابل اوله رق قومپانیا طرفنده تأدیهد ایدیلان مبانی اخذ حلال اولورمی اولمازی ؟ ایسته بوجهنک حلی ایچون اول امرده عقد سیغورطه نک نه کبی عقود شرعیهدن اوله جفی تدقیق لازمدر .

معلومدرکه برمالک تضمینی یا بطریق الکفاله اولور و یاخود تعدی و اتلاف طریقله اولور .

عقد کفالتله اولان تضمینات بومسئله قابل تطبیق دکلدر ، چونکه کفالتده مکفول بهک دین صحیح اولمی لازمدر ، دین صحیح . ادا و ابرادن باشقه بوجهله ساقط اولیان دیندر .

یاخود بنفسها عین مضمون اولمیدرکه ، هلاک اولدینی تقدیرده مثلبایدن ایسه مثلی قیمایدن ایسه قیمتی لازمکاور . مغضوب ، بدل خلع دم عمددن صالح بدلی کبی .

بناءً علیه قومپانیا ایله وقوع بولان عقد . بر عقد کفالت دکلدر . چونکه سیغورطه ده قومپانیانک ضمانتی تحت قونیان مال صاحبنک یدندن چقمقدینی کبی تسلیمیده واجب اولماز . بو صورتده قومپانیایه ضمان

و حق و وظیفه و کافه اشیا و افعالک حسن و قبحی متبیین بولمسنه بناء انسان دین طرفدن ایدیلن بیانات و تعریفاته تطبیق ایله تمیز محاسن ایدر .

اشبو وسائل خمسیه مراجعتله او علملری تحصیل و بناء علیه حقوق و وظائفی و نه کی افعالک مخل حقوق اولدیغی و بونلردن موجب مسئولیت و مجازات اولانلری و اولمالارلی تعین و موجب جده تطبیق اعمال و حرکات ایدیلنلر افراد انسانیه میانده اقل قلیل اولوب اکثر ناس بونلردن عاجز و قاصر در .

بناء علیه عموم افراد و جمعیات ایچون بوبابده بر قانون تنظیمی ایجاب ایدر . بویه بر قانونی وضع و تنظیم و افراد و جمعیات اوزرینه تطبیق ایتمک ایچون نه یاقی لازم کلور ؟ ..

ناسک اکثرینک بویه بر قانون تنظیمی دکل کندی افعال و حرکاتی تطبیق ایچون بر خط معقول تدارکنندن عاجز اولدینی و یالکیز بر قسم قلیلک بوبابده بعض وسائله مراجعتله تعین حقایقه بدرجهیه قدر موفق اوله بیله جکلی بالاده بیان ایدلش ایدی .

شمدی بو وسائله آیری آیری مراجعتله قانون مطلوبک تنظیمی امکاتی تحقیق ایدلم . اول امرده وسائل مذکورده تجربه توسل ایدلم .

زمان و مکانک تبدل و تخالفیه عادات و اخلاقک تغیر ایتسنه و بناء علیه احکام قانونیه کده تبدیلی لازم کلسنه بناء حکومتجه بر کره هر طرف اهالیسنک مزاج و عادتلی نظر اعتباره آلهرق اوزون بر زمان ظرفدن آکلاشیله بیله جک درجهده بر نظام وضع و اعلاننه ابستار اولنور .

کوریلور که هر بر ماده ک تطبیقات و اجرا آتنده سنلرجه تجربه لر و ایستاتستیکلرله او قانونک بر چوق یا کشفلی پک بطی بر صورتده تظاهر ایتمش . اوچ بش سنهده بر ماده تعدیل و یا تبدیلی اولنه اولنه او توز قرق سنهده

غیرتی عمل عدیله بر عقد مضاربه تلقی ایتمک طوغری اوله باز . چونکه تهلکه وقوعنده قومانیانک عملی کندی منفعتنه مستنددر . احد عاقیدنه نفی اولان عقد ایسه شرعاً فاسددر . خصوصاً سیغورطه ، بحت و طالع مستند بر عقددر . دیمک اولور که سیغورطه عقدی ، عقود مذکورده دن برینه داخل دکلدر . بو صورتده سیغورطه عقدی ایچون بر چاره یوقیدر ؟ مابعدی وار

تمیز جزا کتبه سندن

ابن حازم فرید

دیانتک مدنیه لزومی

[۲۶ نجی نسخه دن مابعد]

برنجیسی ارباب تجربه در . بونلر کرک نفسنده و کرک غیریلرنده وقوعه اولان افعال نتایجی برر برر دکل نوع نوع تدقیق و معاینه ایدرلر . یعنی وقوعه اولان بر فعل نتیجه سنی ذهنلرنجه بالمازانه انک انواعندن اولان هر درلو افعالی او نتیجهیه قیاس ایله هر حق و وظیفهیه و اشیا و افعالک حسن و قیمتته حکم ایدرلر .

ایکنجیسی ارباب استشاره و استرشاددر . بونلر هر کسک آرا و افکارینی تفحص و استشاره و هر برینی تدقیق و استکناه ایله برر نتیجه و حکم چیقاردیرلر .

اوچنجیسی ارباب معارفدر . بونلر علوم مدونهی کثرت مطالعه و تدقیق ایله حق و وظیفهیی و ایوی ، کوتوی تعین ایدرلر .

دردنجیسی ارباب فنوندر . فنونک کافه سی بدیهیات عقلیه اوزرینه مؤسس اولدیغیچون اصحابک کثرت اشتغال ایله قوه فکریه لرینه تمیز محاسن ماکسنی کلور . بشنجیسی ارباب دیاندر . ادیانک اکثرنده احکام و عاداتک هر وجه معقول حکمت اوزرینه مبتنی